

BOSNA I HERCEGOVINA  
FEDERACIJA BiH  
KANTON SARAJEVO  
OPĆINA ILIJAŠ  
OPĆINSKO VIJEĆE  
Stručna služba općinskog vijeća  
i općinskog načelnika  
Broj:01/1-02-1208/13  
Ilijaš, 30. 07. 2013. godine

### **Z A P I S N I K**

sa 10.(DESETE) sjednice Općinskog vijeća Ilijaš održane dana 30. 07. 2013. godine

Sjednicom je predsjedavao predsjedavajući OV-a g-din Damir Filipović koji je konstatovao da sjednici prisustvuje 21 vijećnik.

<b>RB.</b>	<b>IME I PREZIME</b>
<b>SDA</b>	
1	MAHIR DEVIĆ
2	NEDIM MATORUGA
3	SAUDIN DURMIĆ
4	HALID DIZDAREVIĆ
5	AMAR DOVADŽIJA
6	MUAMER DERVIŠEVIĆ
7	-
8	RASIM ŠEHIĆ
9	SELMA PUŠINA
<b>SDP</b>	
10	ALAN ŠERAK
11	-
12	DAMIR FILIPOVIĆ
13	SELVER HERIĆ
<b>SBB</b>	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
<b>SAMOSTALNI VIJEĆNICI</b>	
18	EDHEM HASANOVIĆ
19	ASIM MUJIĆ
<b>STRANKA ZA SREDNJE</b>	
20	-
21	AIDA MALIŠEVIĆ
<b>LDS</b>	
22	-
23	NIHAD BUČUK

	<b>BPS</b>
24	MUHAMED HANDŽIĆ
	<b>SDU</b>
25	DIZDAREVIĆ ENES

Odsutni vijećnici:

1. Fahir Hasanović
2. Marioneta Ilić-Jureta
3. Nijaz Rastoder i
4. Besim Gljiva.

Prisutni gosti:

1. Aida Muratović - Radio Ilijaš
2. Šemso Jusić – MZ Podlugovi
3. Jasmin Ombašić – povjernik DEF-a
4. Almir Hercegovac – predstavnik Zavoda za planiranje razvoja Kantona Sarajevo.

Ostali prisutni:

1. Akif Fazlić – općinski načelnik
2. Zdravko Barić – pomoćnik načelnika
3. Nijaz Spahić – pomoćnik načelnika
4. Meliha Avdibegović – pomoćnik načelnika
5. Merima Osmanović – pomoćnik načelnika
6. Sadeta Brkić – pomoćnik načelnika
7. Alma Imamović - pomoćnik načelnika
8. Ilda Kahriman – sekretar Općinskog vijeća
9. Adha Masnopita – stručni saradnik u Službi za društvene djelatnosti.

Predsjedavajući je konstatovao da je prisutan 21 vijećnik i dao na razmatranje zapisnik sa 9. sjednice OV-a.

Primjedbi na zapisnik nije bilo, pa je OV-e jednoglasno usvojilo zapisnik sa 9. sjednice.

Predsjedavajući je pročitao predloženi dnevni red i dao na razmatranje.

Za riječ se javio Adem Efendić i kazao da u dnevnom redu po tačkom 4.b) stoji "Podlugovi II", a trebalo bi da stoji "Podlugovi I", vjerovatno je u pitanju tehnička greška.

Damir Filipović – u pitanju je tehnička greška koja će biti ispravljena.

Obzirom da nije bilo primjedbi na predloženi dnevni red, OV-e je jednoglasno usvojilo slijedeći

#### **DNEVNI RED:**

1. Vijećnička pitanja i inicijative
2. Izvještaj o realizaciji zaključka sa 9. sjednice OV-a
3. Prijedlog Odluke o davanju saglasnosti za zaključenje Ugovora o zakupu poslovnih prostorija Dom Kadarići
4. Nacrt Odluka o:
  - a) usvajanju Regulacionog plana "Podlugovi I"

- b) provođenju Regulaciogno plana "Podlugovi I"
- 5. Nacrt Odluka o:
  - a) usvajanju Regulacionog plana "Podlugovi II"
  - b) provođenju Regulacionog plana "Podlugovi II"
- 6. Prijedlog rješenja iz imovinsko-pravne oblasti:
  - a) broj:06/1-31-1723/11/VF od 18.07.2013.godine
  - b) broj:06/1-31-2082/13/VF od 17.07.2013.godine

#### AD-1

#### Vijećnička pitanja i inicijative

Damir Filipović – zbog mjeseca Ramazana i ljudi koji poste predlažem zaključak da na ovoj sjednici pismeno dostavite vijećnička pitanja i inicijative.

OV-e je sa 18 glasova ZA i 3 UZDRŽANA donijelo navedni zaključak.

ŠEHIĆ RASIM – vijećnik SDA

Pitanje:

1. Zbog čega nije uveden drugi radni dan u ambulanti u MZ-i Kamenica?

Napominjem direktora Doma zdravlja Ilijaš da je obećao rješenje i uspostavu drugog radnog dana u mjesecu maju, a sada je izvjesno da još nije na pomolu rješenje istog.

AKIF BEŠLIJA – vijećnik SBB-a

Pitanje:

1. Upućujem vijećničko pitanje nadležnim institucijama da mi se odgovori šta je sa nastavkom radova na elektro-mreži na području Donjih Korita? Da li Elektrodistribucija ima u planu ove godine ili u nekom drugom vremenskom periodu nastaviti sa elektrifikacijom ovog naselja?

SELVER HERIĆ – vijećnik SDP-a

Pitanja:

1. Ko je i zbog čega odredio po protokolu 5 (pet) osoba za presijecanje vrpce u ulici pješačke zone u Centru Ilijaš?
2. Po kojem osnovu je određena jednopartijska (SDA) sjedaljka poslije otvaranja pješačke zone u ugostiteljskom objektu "Diana" sa premijerom Kantona Sarajevo i njegovom svitom?
3. Ko je odredio (protokol) osobe iz SDA za dočekivanje gostiju iz Kantona Sarajevo?

#### AD-2

#### Izvještaj o realizaciji zaključka sa 9.sjednice OV-a

Diskutanata po ovoj tački dnevnog reda nije bilo, pa je OV-e jednoglasno usvojilo

#### Izvještaj o realizaciji zaključka sa 9.sjednice OV-a

#### AD-3

### Prijedlog Odluke o davanju saglasnosti za zaključenje Ugovora o zakupu poslovnih prostorija Dom Kadarići

Prijavljenih za raspravu po ovoj tački dnevnog reda nije bilo, pa je OV-e jednoglasno usvojilo

### Odluku o davanju saglasnosti za zaključenje Ugovora o zakupu poslovnih prostorija Dom Kadarići

#### AD-4

#### Nacrt Odluka o:

- a) usvajanju Regulacionog plana "Podlugovi I"
- b) provođenju Regulacionog plana "Podlugovi I"

Damir Filipović – podsjetit ću da smo na 8. sjednici OV-a donijeli zaključak da će se na jednoj od narednih sjednica samo izjašnjavati o ovoj tački.

Meliha Avdibegović – mislim da smo dovoljno imali i vremena i prostora za razmatranje RP Podlugovi I i Podlugovi II. Na prošloj sjednici obrazložen je u potpunosti plan, od urbanizma i saobraćajnog rješenja. Na zahtjev vas vijećnika izvršena je izmjena RP u smislu saobraćajnog rješenja, a sve ostalo je ostalo ne promijenjeno.

Radi javnosti i građana kazat ću da je javni uvid na nacrt RP Podlugovi I i Podlugovi II u periodu od 01.08.2013. do 30.08.2013.godine, a javna rasprava 02.09.2013.godine u 14:30h u sali Općinskog vijeća. Služba nema obavezu pismeno niti pojedinačno pozivati niti građane niti vijećnike i nadam se da ćete dati svoj doprinos tokom javnog uvida, a takođe i na javnoj raspravi.

Ukoliko postoji potreba za obrazloženjem saobraćajnog rješenja planer Almir Hercegovac je ovdje i može obrazložiti korekciju u smislu saobraćajnog rješenja.

Almir Hercegovac planer faze saobraćaja (predstavnik Zavoda za planiranje razvoja Kantona Sarajevo) – u prošlom prijedlogu prelaz preko željezničke pruge je riješen na dva mjesta, a ovim prijedlogom se ta dva prelaza zamjenjuju jednim. Osnovna razlika između prošlog i ovog prijedloga je u cijeni koštanja. Ovaj današnji prijedlog bi bio puno jeftiniji s aspekta realizacije uz ono što sve takvo racionalno rješenje nosi sa sobom. Ja ću govoriti s aspekta saobraćaja, a onda će se to aplicirati na sve ostalo. Sa ovim rješenjem zauzima se manja površina građevinskog zemljišta s aspekta saobraćaja, što znači ono što je prošli put planirano za saobraćaj ostaje kao građevinsko zemljište na upotrebu vlasnicima, a mana ovog današnjeg u odnosu na prošli plan je ono što se može očekivati, znači umjesto da imamo na dva mjesta prelaze, zagušenje saobraćaja.

Današnji prijedlog je racionalniji u odnosu na prošli, a sa planerskog aspekta je prihvatljiv i jedan i drugi, s tim što je prošli (s aspekta saobraćaja) bio kvalitetniji.

Zatim je na karti pokazao o čemu se radi.

Damir Filipović – još jednom je podsjetio na zaključak koji je donesen na 8.sjednici, a koji se odnosi na to da je rasprava po ovoj tački dnevnog reda završena, te da se na ovoj sjednici samo može vršiti izjašnjavanje.

Adem Efendić (poslovnička intervencija) – predsjedavajući, to što meni objašnjavate, vi i svi oni koji su glasali za odluku, a ne smijete davati prijedlog zaključka koji je u suprotnosti sa propisanim aktima i ne možete meni ili bilo kome zabranjivati da bilo o čemu diskutuje

ovdje i da mi uskratite moje vrijeme. Ja bih želio postaviti samo jedno pitanje.

Damir Filipović – u članu 89. Poslovnika OV-a se kaže da predsjedavajući OV-a na osnovu pismenog prijedloga zaključka, odnosno smjernica i prijedloga iznesenih u pretresu, predlaže tekst zaključka, odnosno smjernice. Znači, zaključak je na inicijativu kluba predložen i usvojen većinom glasova da nema razmatranja ove tačke na ovoj sjednici. Upozorio je vijećnika Adema Efendića da ne može sa mjesta govoriti i oduzeo mu riječ.

Nijaz Mašić (poslovnička intervencija) – tražim pauzu da sekretar provjeri da li je zaključak sa 8.sjednice u skladu sa propisima i da autentično tumačenje.

Damir Filipović – dao je pauzu od 10 minuta.

Ilda Kahrman (sekretar OV-a ) - zaključak sa 8.sjednice OV-a je glasio da se odlaže izjašnjavanje po pitanju Regulacionih planova Podlugovi I i Podlugovi II za slijedeću sjednicu i zadužuje se općinski načelnik, da u roku od 30 dana zajedno sa nadležnom službom, predsjednicima političkih stranaka, predsjednicima klubova vijećnika, dva predstavnika privrednika, predstavnicima Zavoda za planiranje razvoja Kantona Sarajevo i savjeta MZ Podlugovi, organizira sastanak vezano za nacrt Regulacionih planova Podlugovi I i Podlugovi II i pokuša iznaći rješenje koje bi zadovoljilo sve zainteresirane strane, što je i urađeno. Članom 89. Poslovnika OV-a, stav 4. je navedeno da ako OV-e o pitanju koje je pretreseno ne želi da odlučuje na istoj sjednici može zaključiti da se odlučivanje odloži za jednu od narednih sjednica što je u ovom slučaju. Znači, tada je zaključkom odlučeno da je sve pretreseno i da se na ovoj sjednici samo vrši odlučivanje.

Damir Filipović – dao je na glasanje zaključak kojim se Nacrt Regulacionog plana "Podlugovi I" i nacrt Odluke o provođenju Regulacionog plana "Podlugovi I" stavlja na javni uvid.

OV-e je glasalo sa 14 glasova ZA, 4 PROTIV i 2 UZDRŽANA.

Vijećnik Sead Šehić je izrazio sumnju u glasanje i zatražio pojedinačno glasanje.

ZA su glasali slijedeći vijećnici: Mahir Dević, Nedim Matoruga, Saudin Durmić, Halid Dizdarević, Amar Dovadžija, Muamer Dervišević, Rasim Šehić, Selma Pušina, Alan Šerak, Damir Filipović, Selver Herić, Edhem Hasanović, Asim Mujić, Nihad Bučuk i Enes Dizdarević.

PROTIV su bili slijedeći vijećnici: Adem Efendić, Nijaz Mašić, Sead Šehić i Akif Bešlija.

UZDRAŽANI su bili slijedeći vijećnici: Aida Mališević i Muhamed Handžić.

Konstatovano je da je sa 15 glasova ZA, 4 PROTIV i 2 UZDRŽANA donesen slijedeći

## **ZAKLJUČAK**

1. Utvrđuje se nacrt Regulacionog plana "Podlugovi I", nacrt Odluke o provođenju Regulacionog plana "Podlugovi I" i nacrt Odluke o usvajanju Regulacionog plana "Podlugovi I".

2. Javni uvid na Nacrt Regulacionog plana "Podlugovi I", nacrt Odluke o provođenju Regulacionog plana "Podlugovi I" i nacrt Odluke o usvajanju Regulacionog plana "Podlugovi I" stavlja se na Javni uvid u periodu od 01.08. 2013. do 30.08.2013. godine, a Javna rasprava na nacrt Regulacionog plana "Podlugovi I", Nacrt Odluke o provođenju Regulacionog plana "Podlugovi I" i nacrt Odluke o usvajanju Regulacionog plana "Podlugovi I" održat će se 02. Septembra (Ponedjeljak) 2013.godine u Sali Općine Ilijaš /podrum/ sa početkom u 14 sati i 30 minuta.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš dostavljaju se Općini Ilijaš, Službi za prostorno uređenje i stambeno komunalne poslove, koja organizuje i sprovodi javnu raspravu.

4. Služba za prostorno uređenje i stambeno komunalne poslove dužna je nakon sprovedene javne rasprave da podnese izvještaj, Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

#### AD-5

Nacrt Odluka o:

- a) usvajanju Regulacionog plana "Podlugovi II"
- b) provođenju Regulacionog plana "Podlugovi II"

Diskutanata po ovoj tački dnevnog reda nije bilo, pa je OV-e sa 19 glasova ZA i 2 UZDRŽANA donijelo

### ZAKLJUČAK

1. Utvrđuje se nacrt Regulacionog plana "Podlugovi II", nacrt Odluke o provođenju Regulacionog plana "Podlugovi II" i nacrt Odluke o usvajanju Regulacionog plana "Podlugovi II".

2. Javni uvid na Nacrt Regulacionog plana "Podlugovi II", nacrt Odluke o provođenju Regulacionog plana "Podlugovi II" i nacrt Odluke o usvajanju Regulacionog plana "Podlugovi II" stavlja se na Javni uvid u periodu od 01.08. 2013. do 30.08.2013. godine, a Javna rasprava na nacrt Regulacionog plana "Podlugovi II", Nacrt Odluke o provođenju Regulacionog plana "Podlugovi II" i nacrt Odluke o usvajanju Regulacionog plana "Podlugovi II" održat će se 02. Septembra (Ponedjeljak) 2013.godine u Sali Općine Ilijaš /podrum/ sa početkom u 14 sati i 30 minuta.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš dostavljaju se Općini Ilijaš, Službi za prostorno uređenje i stambeno komunalne poslove, koja organizuje i sprovodi javnu raspravu.

4. Služba za prostorno uređenje i stambeno komunalne poslove dužna je nakon sprovedene javne rasprave da podnese izvještaj, Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

AD-6

Prijedlog rješenja iz imovinsko-pravne oblasti:

- a) broj:06/1-31-1723/11/VF od 18.07.2013.godine
- b) broj:06/1-31-2082/13/VF od 17.07.2013.godine

Sadeta Brkić – u rješenju broj: 06/1-31-1723/11/VF od 18.07.2013. godine radi se o utvrđivanju javnog interesa za rekonstrukciju i proširenje regionalnog puta R-445 na potezu od mezarja u Starom Ilijašu do objekta nove škole, te da se može pristupiti potpunoj eksproprijaciji zemljišta navedenog u dispozitivu ovog rješenja.

U rješenju broj: 06/1-31-2082/13/VF od 17.07.2013. godine radi se o utvrđivanju javnog interesa za izgradnju SN kablovskog priključka za priključenje poslovnog objekta "XYLON CORPORATION" d.o.o. Sarajevo u Podlugovima, te da se može pristupiti nepotpunoj eksproprijaciji zemljišta navedenog u dispozitivu ovog rješenja radi prokopavanja kanala i polaganja elektro kabla u isti.

Obzirom da po navedenoj tački dnevnog reda nije bilo prijavljenih za raspravu, OV-e je jednoglasno donijelo

Rješenja iz imovinsko-pravne oblasti:

- a) broj:06/1-31-1723/11/VF od 18.07.2013.godine
- b) broj:06/1-31-2082/13/VF od 17.07.2013.godine

Zatim je predsjedavajući Damir Filipović zaključio desetu sjednicu OV-a.

Zapisničar:  
Maida Habibović, s.r.

PREDSJEDAVAJUĆI  
OPĆINSKOG VIJEĆA ILIJAŠ  
Damir Filipović, s.r.